



ԱՐԹՈՒՆ ՀԱՏԻՏՅԱՆ

ԱՖՐԻԿՅԱՆ ԵԿԵՂԵՑՈՒ ՀԱՅՐԱՊԵՏ ՍՈՒՐԲ ԿԻՊՐԻԱՆՈՍ ԿԱՐԹԱԳԵՆԱՑԻ (200—258)

Հյուսիսային Աֆրիկայի Եկեղեցին թեև հիմնադրվել է համեմատաբար ավելի ուշ շրջանում, և դարի սկզբներին, բայց մալիկին քրիստոնեական գրականությանն ու աստվածաբանությանը նրա բերած նըպաստը համարվում է ավելի մեծ, քան Հռոմի Եկեղեցունը:

Աֆրիկայի Եկեղեցին մալսանկիական շրջանում կատին Եկեղեցուն և ընդհանուր Եկեղեցու գրականության և աստվածաբանության համար տվել է երկու ինքնատիպ մտածողներ, ինչպիսիք եղել են Գվինտոս Սեպտիմոս Ֆլորենս Տերտուլիանոսը (155—220) և Տաւկիոս Կեկեղիոս Կիպրիանոսը¹:

Հյուսիսային Աֆրիկայում, ըստ ավանդության, Ավետարանի քարոզչությունը կատարվում է Հռոմի Եկեղեցու առաքելության հետ, թեև այդ մասին ճշգրիտ տեղեկություններ չկան:

Հռոմի եկեղեցական կյանքում մինչև Գ դարի առաջին հիսնամյակը կատարվող մտավոր, կրոնական, կարգապահական, ծիսապաշտական, մշակութային բոլոր հարցերը, իրենց անմիջական արձագանքը գրում էին Կարթագենա քաղաքում: Հռոմեական այդ գավառի ողջ քրիստոնյաները

իրենց ղեկավարության համար մայրում էին դեպի Հռոմ և հաճախակի հարաբերություններ էին պահպանում կալսության մայրաքաղաքի հետ և խորապես հետաքրքրվում՝ այնտեղ պատահած բոլոր իրադարձություններով: Վերոհիշյալ անմիջական այդ հարաբերությունների լավագույն վկայությունն էր հանդիսանում աֆրիկյան գրողների մատենագրական վաստակը²:

Ինչպես Հռոմում, այնպես էլ Կարթագենայում Ավետարանի քարոզչությունը կատարվել է մախապես հունարեն լեզվով: Դրա պայծառ ապացույցն այն է, որ Տերտուլիանոսի առաջին չորս գրքերը գրվել են հունարենով:

Բ դարի վերջերին է, որ Կարթագենայում կատարվել է լատիներեն լեզվով Նոր Կտակարանի մասնակի մի թարգմանություն:

Գ դարի առաջին քառորդին Տերտուլիանոսը վկայում է Աստվածաշնչի ամբողջական լատիներեն լեզվով թարգմանության մասին: 250 թվականին Աֆրիկյան Եկեղեցին արդեն գործածում էր Աստվածաշնչի լատիներեն թարգմանությունը, որպես կանոնական, ընդունված թարգմանություն³: Կիպրիանոսը իր հերթին մատենագրական իր երկերի մեջ օգտագործում էր

¹ Ընդհանուր եկեղեցական պատմություն, Երվանդ վարդապետ Տեր-Միքայանց, 1908, Մայր Աթոռ, էջ 133—138:

² Johannes Quasten, Patrology, vol. II, էջ 243:

³ Quasten, նույնը, էջ 244:

Աստվածաշնչի այդ լատիներեն թարգմանությունը:

Կարթագենայի Եկեղեցում ծիսապաշտական լեզուն ևս նախապես եղել է հունարենը: Հռոմի Եկեղեցուց առաջ, Կարթագենայում է, որ ծիսապաշտական լեզուն փոխարինվում է լատիներենով, Գ. դարի սկզբներին:

Հյուսիսային Աֆրիկայի Եկեղեցին էլ իր գոյության առաջին իսկ օրերից ենթարկվել է պետական դաժան և արյունոտ հալածանքների: Կարթագենայի Եկեղեցու ծոցում միաժամանակ առաջ են եկել մոնոսական, վալենտինյան, մարկիոնական բազում հերետիկոսական հակաճառություններ⁴, որոնք խանգարել են Եկեղեցու ներ-

⁴ Մոնոսականությունը Բ. դարի կեսերին Փյուգիայում հառաջ եկած հերետիկոսական «Փանոսատիկական» մի շարժում էր, որը քարոզում էր, թե մոտավորապես Բրիտանիայի երկրորդ գալուստը աշխարհ, և երկնային Երուսաղեմը իջնելու է Փյուգիայի Պեպո գաղաթը:

Ծարժման դեկավարը նախկին հեթանոս քուրմ Մոնտանոն էր, որը իրեն համարում էր Հովհաննոս Ավետարանում խոստացված Միսթարիչը: Նա իր հետևորդներին քարոզում էր, որ պետք է այս աշխարհից դուրս գալ և խմբովին գնալ դիմալորելու Փրկչին: Նա քարոզում էր հրաժարվել ամուսնական կյանքից, բաջալերում էր ամուսնաթողությունը, ջատագովում՝ կուսությունը:

Եկեղեցին ճգնվում էր հակաքրիստոնեական այս շարժումը: Նրա դեմ պայքարում էին Բ—Գ դարերի ջատագովները, օրինակ՝ Լիոնի Սուրբ Իրենեոս եպիսկոպոսը, Անտիոքի հայրապետները: 190 թվականին այդ շարժումը արդեն ճանաչվեց մեջ էր, և ոչ մի չափով վտանգ չէր ներկայացնում Եկեղեցու համար:

Տվյալ ժամանակաշրջանի հերետիկոսական երկրորդ շարժումը, որի դեմ գրել է Կղեմես Ալեքսանդրացի հայրապետը, վալենտինյան աղանդավորությունն էր: Ծարժումը սկիզբ էր առել Եգիպտոսում: Վալենտինոսը սովորել էր Ալեքսանդրիայի դպրոցում, ասյա գնացել Հռոմ, ուր հետևորդներ է հավաքագրել, հիմնել իր «Եկեղեցին», բացել՝ դպրոց:

Սույն հերետիկոսական շարժումը նույնպես երկար չի ապրել: Նրա դեմ հակաճառություններ են գրել Ս. Իրենեոսը, Հիպոլիտոսը:

Հերետիկոսական այս շարժումները առավել կամ նվազ չափով գնոստիկյան աղանդավորական շարժման ազդեցության ներքո էին:

Ժամանակի վտանգավոր հերետիկոսական շարժում էր նաև Մարկիոնի աղանդը: Մարկիոնը նախկին գնոստիկյան էր: Ծնվել էր Պոնտոսի Սինոպիս քաղաքում, և եպիսկոպոսի գավակ էր: Բ. դարի սկզբում նրա եպիսկոպոս հայրը վճռում է նրան հորեմական հարկից և եկեղեցուց, որպես մոլորյալի:

քին միությունը, պառակտել՝ նրա խաղաղ կյանքը, արգելակել Եկեղեցու աճումն ու ամրապնդումը:

Կարթագենայում քրիստոնեության արագ տարածումը գիճն էր անհամար մարտիրոսությունների, տառապանքների և թափված անհաշիվ արյունահեղությունների:

Աֆրիկյան Եկեղեցու առաջին մեծ ու արդյունաշատ մատենագիրը Տերտուլիանոսն է: Դժբախտաբար նա մեզ չի ներկայանում ընդհանրական Եկեղեցու սուրբ Հայրապետների լուսապսակով, «թեև մոնոսական, նա մեծ ազդեցություն է գործել եկեղեցական աստվածաբանության վրա... Նրա ամենագլխավոր նշանակությունն այն է, որ լատիներենը քրիստոնեական գրականության մեջ մտցնելով եկեղեցական լատինական գրականության հայրը դարձավ»⁵:

«Ս. Օգոստինոսից հետո Տերտուլիանոսը ամենակարևոր և ինքնատիպ եկեղեցական հեղինակն է, որ լատիներեն է գրել»⁶:

Ըստ Ս. Օգոստինոսի վկայությանը, «Տերտուլիանոսը վերջը մոնոսականներից բաժանվել է»⁷:

Աֆրիկյան Եկեղեցու երկրորդ մեծ և ուղղափառ աստվածաբանը Ս. Կիպրիանոս Կարթագենացին է, բոլորովին տարբեր մի անհատականություն Տերտուլիանոսից: Կիպրիանոսը համարվում է քրիստոնեական ներողամտության, ազնվության, հեզության, գութի և սիրո մարմնացում: Նա ընդհանուր Եկեղեցու պատմության մեջ համարվում է «պարծառ քրիստոնեից»⁸:

Կիպրիանոսը եղել է աշակերտը Տերտուլիանոսի: Վկայություններ կան այն մասին, որ Կիպրիանոսը ոչ մի օր չէր անցնում ա-

Նա գնում է Հռոմ իր մոլար վարդապետությունը քարոզելու: Մարկիոնի դեմ են գրել նաև Եկեղեցու նշանավոր Հայրերը, որոնք նրան անվանել են «աստուանայի առաջին ծնունդը» (Ս. Իրենեոս): Մարկիոնը մեղքում էր Հին Կտակարանը: Քրիստոսի Աստվածահայտությունը համարում էր «առ աչօք», երևակայական մի բան, բան թե իրողություն: Նա այդ մտքով էլ մեղքում էր Քրիստոսի խաչելությունը՝ որպես «առ աչօք» մի երևույթ: Սերժում էր Եկեղեցու խորհուրդները, և ընդունում էր երկու սկիզբ, երկու աստվածություն:

⁵ Երվանդ վարդապետ Տեր-Մինասյանց, նույնը, էջ 136:

⁶ Quasten, նույնը, էջ 247:

⁷ Երվանդ վարդապետ Տեր-Մինասյանց, նույնը, էջ 133:

⁸ Լիակատար վարք և վկայաբանությունն սրբոց, որք կան ի հին տոնացույցի Եկեղեցու Հայաստանայ, հատոր Դ, 1813, Վենետիկ, էջ 68—69:

ունց որևէ բան ընթերցելու Տերտուլիանոսից:

Կիպրիանոսի կյանքի, առաքելական-քաղաքական գործունեության մասին արժեքավոր տեղեկություններ կան նրա մատենագրական գործերի և մանավանդ նամակների մեջ: Նրա աշակերտ Պոնտիոս սարկավագը գրել է նրա «Վարք»-ը. նա մեծ սրբին ընկերակցել է մինչև նրա աքսորը և ակամատես է եղել նրա նահատակությանը: Պոնտիոսը հիացումով լեցված մեծ նահատակի և վկայի հանդեպ, իր «Վարք»-ի մեջ գրել է նաև սրտառու մի մահախոսական-ներքող, որպեսզի Կիպրիանոսի «անմահ հիշատակն ու անուընդարեր ապրեն քրիստոնյա հաջորդ սերունդների հիշողության մեջ»⁹:

Կիպրիանոսը ծնվել է 200 թվականին Կարթագենայում, որը համարվում էր կենտրոնը արևմտյան աֆրիկյան քրիստոնեության, այժմյան Թուլուզի նշանավոր ու հին քաղաքներից մեկը, բարեկեցիկ, կրթված հեթանոս պատրիկյան ընտանեկան հարկի տակ: Նա խորապես ուսումնասիրում է հռետորական արվեստն ու օրենսգիտությունը և երկար ժամանակ զբաղվում է հռետորական արվեստի դասախոսությամբ և փաստաբանությամբ: Նա Կարթագենայում հռչակվել է իր ընտրած մասնագիտությունների մեջ որպես իրավաբան իր փալուն ձիրքերով:

Նրա օրով Կարթագենայում մոլեգնում էր 250 թվականին Դեկոս կայսրի (250—253) հաղթանակը: Բազմահազար քրիստոնյաներ արիությամբ և համարձակությամբ ընդունում էին հանուն իրենց հավատքի և քրիստոնեական ըմբռնումների նահատակության փառապատկեր: Այս հանգամանքը, այսինքն մահվան հանդեպ հավատացյալների արհամարհանքը հոգեպես ցնցում է Կիպրիանոսի բարի և ազնիվ սիրտը: Նա հասկանում է, որ քիրտ ուժից վեր կա մի նոր բարոյական քաջություն, որը բխում է քրիստոնյաների հավատքից ու բարոյականից: Կիպրիանոսին խորապես զգվեցնում են նաև Կարթագենայում հանրային անբարոյականությունը ու վատ բարքերը, պետական, վարչական մարմինների կաշառակերություններն ու բռնությունները, և այդ բոլորը խոտվում է նրա հոգին և նա փրկություն է կյանքում ավելի բարձր ու մարդկային մի բարոյականություն, մի ճշմարտություն: Այդ նպատակով ճանապարհորդություններ է կատարում Եգիպտոս, Աթենք, Անտիոք: Եվ մի օր, աստվածային շքնորհի կամ երկնային ազդեցությամբ, որո-

շում է քրիստոնյա դառնալ: Այդ գործի մեջ Կիպրիանոսին մեծ օգնություն է ցույց տալիս Տապիրիոս Ցիցիլիանոս երեցը: Ապա Կարթագենայի եպիսկոպոսը Կիպրիանոսին քրիստոնյա է մկրտում. «Եւ նորոգեցաւ ի նոր մարդ ըստ Աստուծոյ»¹⁰: 246 թվականին Կիպրիանոսը քահանա է ձեռնադրվում և հորենական իր ողջ հարստությունը բաժանում է աղքատներին: 249 թվականին Կարթագենայի հավատացյալ ժողովուրդը նրան ընտրում է քաղաքի եպիսկոպոս: Նույն թվականին, Դեկոս կայսրի հալածանքների ժամանակ ձերբակալվում է, դատվում և աքսորվում: Նա մինչև 251 թրվականի Զատիկը թաքնված է ապրում, «մինչև անցցէ բարկութիւն կայսեր», բայց իր նամակագրությամբ, հեռակա կարգով իր կապը ամուր է պահում Կարթագենայի իր թեմի հոգևորականության, իր հավատացյալների հետ: Նամակներից մեկում նա գրում է, որ ինքը անձնական ապահովության համար չէ, որ ժամանակավորապես խուսափել է հալածանքներից, այլ եկեղեցու ապահովության համար:

Կիպրիանոսը 258 թվականին Վաղերիանոս կայսրի ժամանակ (253—260) կրկին ձերբակալվում է և իր կյանքը որպես խոստովանող և մարտիրոս, ավարտում է գլխատվելով:

Կիպրիանոսի եպիսկոպոսության ժամանակ քրիստոնեական Եկեղեցին հալածանքների, ծանր փորձությունների մի դառն ժամանակաշրջան է բոլորում: Նման հանգամանքների ներքո, Կարթագենայի եկեղեցական իշխանությունը իր ուշադրությունը կենտրոնացնում է առավելապես «Եկեղեցու գործնական նպատակների, քան հավատի հարցերի վրա», այսինքն «եկեղեցական կարգապահության և կազմակերպության» խնդիրների վրա: Կիպրիանոսը «Եկեղեցական-վարչական մի անձնավորություն էր, որ կազմակերպելու մեծ տաղանդ ուներ, բայց միևնույն ժամանակ բարձր քահանայական ինքնագիտակցություն և մանկավարժական խելք: Ամեն տեսակետից գործնական՝ թե իբրև աստվածաբան, թե իբրև գրող և թե իբրև եպիսկոպոս, միևնույն ժամանակ կազմակերպված մի բնավորություն, նա շատ մեծ չափով նպաստել է եպիսկոպոսական հեղինակության բարձրացման: Նրան էին դիմում Գալիլայից, Կապադովկիայից, և ինքն էլ աշխատում էր յուր կարծիքներն ու մօլորները ամենահեռու տեղերն անգամ տարածվեալ...

¹⁰ Լիակատար վարք և վկայաբանություն..., ևույնը, էջ 75:

⁹ Quasten, նույնը, էջ 340:

Կիսարիանոսի օրով Եկեղեցին դարձավ քահանայական պետություն, նվիրապետական մի կազմակերպություն ունեցող փերություն կամ դաստիարակության դրսերոց»¹¹:

Կիսարիանոսի օրով Կարթագենայի քրիստոնեական Եկեղեցին ապրում է հոգևոր զարգացման և ներքին կազմակերպվածության խոստումնալից մի շրջան:

Սակայն այդ Եկեղեցու ծոցում ևս տիրում էր մեծ հուզում: Դա Դեկոս կայսրի (250—253) հալածանքների ժամանակ ուրացողներին կամ «անկեալ»-ներին ապաշխարությանը նորից Եկեղեցու ծոցը ընդունելու կամ չընդունելու հարցն էր: Այդ հարցը հուզում էր ողջ քրիստոնեական Եկեղեցին թե՛ Արևելքում և թե՛ Արևմուտքում:

Այդ հարցը միաժամանակ Գ. դարում հանդես եկող աղանդավորական շարժումների ուժեղացման և գործունեության պատճառ էր դարձել:

Եվսեբիոս Կեսարացին իր «Պատմություն Եկեղեցու» աշխատության մեջ վկայում է, որ այդ հարցի առիթով Ալեքսանդրիայի Դիոնեսիոս եպիսկոպոսը 248 թվականին նամակ է գրում Հայաստանի և կամ Մեծ Հայքի հայոց Մեհրուծան Հայրապետին՝ «Վասն ապաշխարության» նրա կարծիքը և ունենալու համար»¹²:

Հոռմի Եկեղեցին այդ հարցում պահանջում է «խիստ վարվել ուրացողների և ծանր մեղքերի, հատկապես անառակության մեջ ընկնողների հետ՝ բանադրելով նոցա ո՛չ մի պայմանի ներքո կրկին Եկեղեցու գիրկը ընդունելով»¹³:

Կիսարիանոսը ուրացողներին Եկեղեցու գիրկը կրկին ընդունելու հարցում «չկամեցավ շատ առաջ գնալ» և որոշեց «այդ խնդիրը վճռել մի ժողովով, հալածանքներից հետո, իսկ առաջմ միայն հուշյ տալ զղջացողներին, որ կընդունվեն կրկին կանոնավոր ապաշխարությունից և գործիքնությունից հետո»¹⁴:

Կիսարիանոսը որպես «գործի մարդ» հետաքրքրվում էր ոչ այնքան աստվածաբա-

նաժյան-հայեցողական կամ դավանաբանական հարցերով, որքան Եկեղեցու անուսանդամ, կարգապահության գործնական խնդիրներով:

Ուրացողների կամ «անկեալ»-ների նրկատմամբ Կիսարիանոսի քրիստոնեական, մարդասիրական վերաբերմունքի մեջ մեծ դեր է խաղում գույթի, ներողամտության, ողորմաձայնության սկզբունքը: Կիսարիանոսը շեշտում էր. «Աստված բարեգութ է, ուրեմն Եկեղեցին էլ պարտավոր է այդպես լինել»: Ժամանակի տիրող ոգին կամ սկզբունքը ըստ Կիսարիանոսի այն էր, որ «Արտաքո Եկեղեցու փրկություն չկա»: Հետևաբար ուրացողներին «կրկին Եկեղեցու գիրկը չընդունելը նշանակում էր ընդհանրապես զրկվել նոցա փրկությունից»¹⁵:

Ընդհանուր Եկեղեցու վկայաբանության մեջ հիշվում են երկու Կիսարիանոս Հայրապետներ, երկուսն էլ Գ. դարու պատկանող, մին՝ Կարթագենացի, վարդապետ Եկեղեցու, խոստովանող և նահատակ 258-ին, մյուսը՝ Անտիոքացի, նահատակված 285-ին Դիոկղետիանոս կայսրի օրով: Մեր Եկեղեցին կատարում է միայն Կիսարիանոս Կարթագենացու հիշատակը: Սուրբ Հուստիանե կույսին հետ, Վարդապետի երկրորդ Բ կիրակին հաջորդող երկուշաբթի օրը¹⁶:

ԿԻՊՐՈՍԱՆՈՍ ՀԱՅՐԱՊԵՏԻ ՄԱՏԵՆԱԳՐԱԿԱՆ ՎՍՍՍԱԿԸ

Կիսարիանոս Հայրապետի մատենագրական վաստակը անմիջականորեն կապվում է նրա հովվական-քարոզչական կյանքի և նրա ապրած ժամանակի եկեղեցական հարցերի հետ: Այս պատճառով նրա մատենագրական գործերը գրվել են մասնավոր առիթներով և հետապնդել եկեղեցական-գործնական նպատակներ: «Նա գործի մարդ է եղել: Հետաքրքրվել է առավելաբար հավատացյալ հոգիների փրկությամբ, քան աստվածաբանական հայեցողությամբ... Նրա գրվածքների լեզուն և ոճը հստակ են, հարթ, հղկված, որոնք իրենց վրա կրում են Աստվածաշնչի բառապաշարի, քերականության և երևակայության խորունկ ազդեցությունը: Միաժամանակ Տերտուլիանոսի հանդեպ նրա ունեցած հիացումը երե-

¹¹ Երվանդ վարդապետ Տեր-Մինասյանց, նույնը, էջ 175—176:

¹² Մաղաքիա արքեպ. Օրմանյան, Ազգապատում, Ա. հատոր, մասն Ա, Բեյրութ, 1959, էջ 61:

¹³ Կարապետ վարդապետ (Տեր-Մկրտչյան), Նշխարներ ամենահին եկեղեցական հայրերի գրվածքներից, «Արարատ», 1896, համար երկրորդ, էջ 58—59:

¹⁴ Երվանդ վարդապետ Տեր-Մինասյանց, նույնը, էջ 177—178: «Ոչ անխորհրդաբար ընդունել զանկեալսն և ոչ անգթութեամբ մերժել իսպառ»:

¹⁵ Երվանդ վարդապետ Տեր-Մինասյանց, նույնը, էջ 180:

¹⁶ Թորգոմ արքեպիսկոպոս Գուշակյան, Սուրբք և տոնք, Երուսաղեմ, 1939, էջ 159—160: Շնորհք արքեպիսկոպոս Գալուստյան, Համաքրիստոնեական սուրբեր, Իսթանբուլ, 1978, էջ 45: Օրացոյց, Ա. Էջմիածին, 1982, էջ 93—94:

վում է նրա ճառերի վրա: Միջնադարում Կիպրիանոսը ամենից ավելի սիրված ժողովրդական հեղինակներից մեկն էր, և նրա գրվածքները տարածվում էին բազում ձեռագրերով¹⁷:

Կիպրիանոսի «միջոցով Տերտուլիանոսը արևմտյան կաթոլիկության հայրը դարձավ: Նա մի կողմ թողեց յուր վարժապետի մախնի-քրիստոնեական-մոնոսական կողմը... թանձրացրեց նրա մտածողությունը և այդպիսով դարձրեց նաև կաթոլիկ Եկեղեցու համար գործածելի¹⁸:

Կիպրիանոս Հայրապետի մատենագրական վաստակի մեջ հիշվում են նրա ճառերը, ներքողյանները և մամականին: Նա ընդհանրական Եկեղեցու պատմության մեջ քաջաձանոթ է եղել վերոհիշյալ «գրովք իրով... Օգնական լինելու հաստատեց թղթովք և սպառազինելու զամենեկին ի հանդես խոստովանութեան և վկայական մահւան»¹⁹:

Հոռոմոս և Արևմուտքում երկու դար, Գ և Դ դարերում, շարունակ Աստվածաշնչի կողքին առավելաբար Կիպրիանոսի գրվածքներն են ընթերցվել, որպես կանոնական, ուղղափառ գրականություն: Արևելքի Եկեղեցիներում էլ Կիպրիանոսի մատենագրական վաստակը նույն նշանակությունն է ունեցել, «շնորհիվ իրենց դյուրըմբռնելիության, սահուն լատիներենի, մանավանդ որ արտաքին հոետորական ձևն էլ պահված է եղել, իսկ ներքին շերտությունն էլ՝ պակաս չէր»²⁰:

Հիշենք Կիպրիանոսի գրվածքներից

1. Թուղթ առ Դոնատոս

Կիպրիանոսի հնագույն ճառ-թուղթն է՝ հասցեագրված իր բարեկամին: Այդ ճառում Կիպրիանոսը պատմում է նաև աստվածաշնչի այն շնորհի մասին, որը պատճառ է հանդիսացել իր քրիստոնյա դարձին, ազատելով իրեն հեթանոսական կյանքի ապականություններից, բռնություններից, զազանություններից, իր հոգևոր կուրության ճանապարհներից, անձնական իր մեղքերից, կրքերից ու սխալներից դեպի քրիստոնեական հավատքի լույսն ու խաղաղությունը, դեպի երջանկությունն ու փրկությունը:

Կիպրիանոսը, երբեմնի «փիլիսոփա հե-

թանոսը, քաջ ճարտասանը, քուրմն ու մոգը», խոստովանում է իր անցյալի մեղսալի կենցաղավարությունն ու մեղքերը՝ պատմելով միաժամանակ իր դարձի առթիվ աստվածային շնորհի ու փառքի մասին. «Ես յորժամ ի խաարի և ի կուր գիշերի անկեալ դնէի սկզբնաւորաբար» (Վարք ու վկայաբանութիւն):

Կիպրիանոսի սույն ճառը գրվել է նրա մկրտությունից անմիջապես հետո, 246 թրվականին: Ծառի հիմնական նպատակն է եղել ոչ միայն պատմել իր դարձի մանրամասնությունների մասին, այլ հորդորել հեթանոս մտավորականներին, առնել նույն քայլը: Կիպրիանոսի և Օգոստինոսի «Խոստովանութիւն»-ների միջև մասնագետները բազում նմանություններ են գտնում:

2. Հանդերձ (զգեստ) կուսանաց

Կիպրիանոսի ճառերի մեջ սույն երկը կարևոր տեղ է գրավում:

Սույն ճառը գրվել է, երբ Կիպրիանոսը արդեն եպիսկոպոս էր Կարթագենա քաղաքի:

Սրբազան հեղինակի մտածումն է եղել իր քաղաքի կրոնական կյանքի և ընտանեկան կարգապահության բարելավումը, քաջալերել՝ հեթանոսական միջավայրում քրիստոնեական ընտանիքի սրբությունն ու մաքրությունը, չառաքովել ընդհանրապես կուսությունը, ի հակադրություն հեթանոսական բազմակնության և անբարոյականության: Կիպրիանոսի մտահոգությունն է որպես վերադիտող, այսինքն՝ եպիսկոպոս, Եկեղեցու ծոցում մաքուր պահել կուսական կյանքը աշխարհի փորձություններից: Նա կուսությունը համարում է «եկեղեցական սերնդի ծաղիկը, շնորհն ու զարդը հոգևոր կյանքի, երջանիկ մի հակում, փառքի և պատվի գեղեցիկ ու անապական մի գործ, Աստծու պատկերը համապատասխան Տիրոջ սրբությանը, Քրիստոսի համայնքի ամենապաշտոն մասը, Մայր Եկեղեցու փառավոր պողաբերությունը և կենսունակությունը»:

Կիպրիանոսը կույսերին՝ որպես Քրիստոսի նվիրված հարսերի, գոռացնում է հեթանոսական ունայնություններից և մոլորություններից: Քրիստոսի հարսերը պետք է պարզ հագնվեն, խուսափեն զոհարեղեն և ներկեր գործածելուց: Դրանք փորձիչի հրապուրանքներ են: Նրանք եթե նյութական հարստություններ ունեն, դրանք պետք է գործածեն բարի և մարդասիրական նպատակների համար, օգնեն աղքատներին, խեղճերին: Կիպրիանոսը իր ճառում կույսերին արգելում է մասնակցել հեթանոսական

¹⁷ Quasten, նույնը, էջ 344:

¹⁸ Երվանդ վարդապետ Տեր-Մինասյանց, նույնը, էջ 176:

¹⁹ Լիակատար վարք և վկայաբանութիւն.... էջ 68 և 82:

²⁰ Երվանդ վարդապետ Տեր-Մինասյանց, նույնը, էջ 174:

աղմկարար հարսանիքների, չհաճախել՝ հասարակաց խառնակ լողարաններ, ապրել ժուժկայությամբ, մաքուր կենցաղավարությամբ և մտածել միայն երկնային այն վարձատրության մասին, որը սպասում է նրանց:

Կիպրիանոսի սույն ճառը գրվել է նրա եպիսկոպոսի՝ ձեռնադրվելուց անմիջապես հետո որպես Կարթագենայի Հայրապետ, 249 թվականին:

Սույն խրատական ճառում «խոսում է քրիստոնյա մեծ ուսուցիչն ու հայրը՝ իր համայնքի անդամներին»²¹:

Կիպրիանոսի սույն ճառը Օգոստինոսը իր գեղեցկության, իր ոճի և բովանդակության հարստության համար համարել է մի ընտիր նմուշ իր երիտասարդ քրիստոնյա քարոզիչների համար:

3. Յաղագս անկեղոց (հավատքը ուրացողների մասին)

Կիպրիանոսը իր սույն կարեւոր ճառը գրել է 251 թվականին, երբ վերադարձել է Կարթագենա, Դեկոս կայսրի հալածանքներից հետո:

Իր սույն ճառում Կիպրիանոսը նախ գոհություն է հայտնում Աստծուն, որ քրիստոնյաների դեմ հալածանքները վերջ են գտել, և Եկեղեցու ծոցում հաստատվել է խաղաղությունը: Նա խորունկ երախտագիտությամբ և հիացումով է նշում նահատակների քաջությունն ու համարձակությունը, որոնք հանուն քրիստոնեական հավատքի իրենց «արչան պատարագ»-ով հեթանոս աշխարհի առաջ ապացուցեցին նոր կրոնի վեհությունն ու գերազանցությունը:

Այնուհետև Կիպրիանոսը նշում է, որ ինքը ծանր հալածանքների ժամանակ երբեք չի լքել իր եպիսկոպոսական պաշտոնը, ժամանակավորապես հեռանալով Կարթագենայից: Այդ քայլը նա արել է հանուն Եկեղեցու և ի շահ հավատացյալների:

Բայց իր բացակայությանը սուտ եղբայրները թշնամարար քաղաքում, լուրջ անկարգություններ են կատարել: Դաժան հալածանքների ժամանակ եղբայրներից ոմանք ուրացել և կազմել են մի հերձված, առանց բաժանվելու Եկեղեցուց, բայց բողոքելով նաև եպիսկոպոսների իշխանության դեմ:

Կարթագենայի ուղղափառ եպիսկոպոսները եկեղեցական հաղորդակցությունից արտաքսում են և՛ ուրացողներին, և՛ անառակներին:

Կարթագենայում և Հռոմում բողոքողներին միանում են նաև մի շարք երեցներ, լուրջ

հարց դարձնելով սպաշխարության խրեդոն: Կիպրիանոսի վերադարձը Կարթագենա բորբոքում են վեճն ու հակառակությունը: «Ջղջացող ուրացողները» հին սովորության համաձայն պահանջում էին կրկին վերադառնալ Եկեղեցու գիրկը, «նահատակների և խոստովանողների բարեխոսությամբ»:

Կիպրիանոսը հարմար է գտնում այս կարևոր հարցը լուծել եպիսկոպոսական մի ժողովում, հալածանքներից հետո, և հույս է տալիս գղջացողներին, որ նրանք կընդունվեն Եկեղեցու գիրկը, լուրջ ու կանոնավոր սպաշխարությունից և գործի մանրագին քննությունից հետո միայն:

Եվ ահա այս առիթով էլ Կիպրիանոսը գրում է իր նշանավոր ճառը «Յաղագս անկեղոց»-ը, ընդդեմ ուրացողների և ընդդեմ հերձվածողների:

Նա համարձակորեն դատապարտում է կատարված ուրացումներն ու պաշտոնական Եկեղեցու և եպիսկոպոսի իշխանության դեմ ապստամբությունները, և պահանջում է, որ բոլոր մեղավորները պետք է ծանր սպաշխարության ենթարկվեն: 251 թվականի մայիսին Կիպրիանոսը Կարթագենայում աֆրիկյան եպիսկոպոսների ժողով է հրավիրում, որտեղ ընթերցում է իր ճառը: Ժողովը միաձայնությամբ որոշում է Կիպրիանոսի ճառը համարել կանոնական, աֆրիկյան բոլոր եկեղեցիների համար:

Կիպրիանոսի «Յաղագս անկեղոց» ճառը համարվում է մի նշանավոր աղբյուր թե՛ հալածանքների և թե՛ եկեղեցական կարգապահության պատմության համար, որի մեջ հաստատականորեն և բնական եղանակով խոսվում է հավատքը ուրացողների դեմ կանոնական վերաբերմունք ճշտելու մասին²²:

4. Միութիւն Եկեղեցույ

Կիպրիանոսի սույն ճառը գրվել է դարձյալ 251 թվականին, Նովատյան աղանդավորների դեմ, որոնք մանավանդ Հռոմում վտանգավոր պառակտում էին ստեղծել Եկեղեցում, և նրանց հետևորդները Կարթագենայում կատարում էին նույն դատապարտելի ոտնձգությունները տեղի Եկեղեցու և եպիսկոպոսի դեմ:

Իր սույն ճառում Կիպրիանոսը նշում է, որ հերետիկոսներն ու հերձվածողները սատանայի գործակալներն են: Պետք է զգուշանալ նրանցից: Տարբերություն չի դրվում հերետիկոսության և հերձվածողության միջև: Այդ երկուսը ավելի վտանգավոր են Ե-

²¹ Quasten, նույնը, էջ 348:

²² Երվանդ վարդապետ Տեր-Մինասյանց, նույնը, էջ 176:

կեղեցու համար, քան հալածանքները: Դրանք վտանգում են Եկեղեցու միությունը, կործանում են հավատքը, անգափոխում ճշմարտությունը: Դրանք ապականում են Տիրոջ Այգին՝ Եկեղեցին, լարում են միջանց դեմ հավատացյալներին: Չկա փրկություն Եկեղեցուց դուրս: Ամեն հավատացյալ պարտավոր է մնալ Եկեղեցու ծոցում: Եկեղեցին Նոյի փրկության տապանն է: Եկեղեցուց դուրս մնացող հերետիկոսն ու հերձվածողը չեն կարող մուգնիսկ մարտիրոս և խոստովանող լինել: Հերետիկոսությունը չի ջնջվի, չի սրբվի մուգնիսկ մարտիրոսական արյունով: Հերետիկոսները, հավատքը անգափոխողները, սուտ քարոզիչները ավելի վտանգավոր են Եկեղեցու համար, քան ուրացողները:

Նովատյան աղանդավորական վեճերի հետ է կապված մասն աղանդավորների կրկնամկրտության հարցը: Նրանք կրկին էին մկրտում ուղղափառ Եկեղեցուց եկած մկրտվածներին, անվավեր համարելով նրանց մախկին մկրտությունը:

Կիպրիանոսի «Միություն Եկեղեցու» ճանր համարվում է «Եկեղեցական քաղաքականության վերաբերյալ ամենանշանավոր աշխատությունը, որի մեջ հեղինակը նշում է հերձվածողության վտանգավորությունը և թելադրում է հեռու կենալ նրանից»²³:

Եկեղեցական ջատագովներն ու հայրերը իրենց գրվածքներում հերետիկոսությունն ու հերձվածողությունը ավելի վտանգավոր են համարել Եկեղեցու համար, քան պետական հալածանքները, ցույց տալով միաժամանակ դրանց գաղափարախոսական կապը հեթանոսական փիլիսոփայության հետ, որովհետև դրանք վտանգում էին եկեղեցական միությունը, հավատացյալների ի հրիստոս եղբայրությունը, կործանում էին հավատքը և անգափոխում ճշմարտությունն ու աստվածային հայտնությունը:

5. Կիպրիանոսի Ամականին

Եկեղեցական մատենագրության հնագույն սիրված ու կարևոր ժանրը եղել է մասնականին կամ թուղթը, ըստ առաքելական սովորությանը:

Կիպրիանոսն էլ թողել է հարուստ ու արժեքավոր Ամականագրական վաստակ, որը համարվում է ամենակարևոր աղբյուրը Եկեղեցու պատմության այդ շրջանի մասին և մանավանդ Գ դարի առաջին հիսնամյակի համար: Բոլոր Ամականները վերաբերվում են եկեղեցական, գործնական խնդիրների:

Կիպրիանոսը Ամականագրական կապի մեջ է եղել եկեղեցական բազում հարցերով, իր ժամանակ աչքի ընկնող եկեղեցական մեծ հայրերի, այդ թվում՝ Հռոմի Կոռնելիոս (251—253), Ստեփանոս (254—257) և Կապադովկյան Կեսարիայի Ֆիրմիլիանոս Հայրապետների և մույնիսկ հերետիկոսապետների հետ:

Կիպրիանոսի Ամականին հաշվին է իր ժամանակի եկեղեցական խնդիրների, որոնք հուզել են ոչ միայն Հյուսիսային Աֆրիկայի Եկեղեցին, այլ մասն Եգիպտոսի, Անտիոքի, Ասորիքի, Կապադովկիայի, Փոքր Ասիայի և Հռոմի Եկեղեցիներին:

Կիպրիանոսից մեզ հասել են ավելի քան 80 Ամականներ, տարբեր բովանդակությամբ, որոնցում մա խոսել է բազում քրիստոնյաների կյանքի և մահաբանության, Եկեղեցու ապագայի համար իր հույսերի և վախերի մասին: Վերոհիշյալ Ամականներից 65-ը ուղղվել են քրիստոնեական մեծ կենտրոնների և պաշտոնակից եպիսկոպոսների, իսկ մնացած 15 Ամականները իրեն ուղղված Ամականներ են:

Կիպրիանոսի Ամականին համարվում է ոչ միայն «կարևոր աղբյուր Եկեղեցու պատմության և կանոնական իրավունքի համար, այլ մասն նշանավոր հուշարձան լատին քրիստոնեության... Նրա ճառերն ու Ամականները վկայում են եկեղեցական գրողի և հոգևորական արվեստի մախկին պրոֆեսորի պայծառ ոգի մասին, մի մարդու, որը ծանոթ է կիկերոնյան ոգին»²⁴:

Կիպրիանոսի մատենագրական ողջ վաստակի և նրա աստվածաբանության առանձնահատկությունների մասին տես Quasten, մույնը, էջ 344—382:

ԿԻՊՐԻԱՆՈՍԻ ՄԱՏԵՆԱԳՐԱԿԱՆ

ՎԱՍՏԱԿԻ ՀԱՅԵՐԵՆ

ԹԱՐԳՄԱՆՈՒԹՅՈՒՆՆԵՐՆ ՈՒ

ՀՐԱՏԱՐԱԿՈՒԹՅՈՒՆՆԵՐԸ

Կիպրիանոսի ճառերի հատվածներ կան հայերեն թարգմանությամբ «յուրբաթագիրս կամ ի ժողովածու քարոզգիրքս և աղօթածն գրապանակս» (Վարք և վկայաբանություն, էջ 102):

Կիպրիանոսի մատենագրական վաստակի հայերեն թարգմանության ժամանակի մասին կարելի չէ որոշ բան ասել: Կան միայն վկայություններ.

Այսպես՝

1. Կիպրիանոսի... Ծառ ողորմութեան: Կիպրիանոսը Ամականի կան գերված քրիստոնյաների ազատության համար, ըստ վե-

²³ Նույնը, էջ 176:

²⁴ Quasten, մույնը, էջ 386:

րոհիշյալ ճառի վկայության, մեծ փրկագին է վճարել հորենական իր ժառանգներից, ըստ Եվանգելիստ Կեսարացու վկայության. Եկեղեցույ պատմություն, դպրություն է, էջ 5:

2. Կիպրիանոսի եպիսկոպոսի ասել յողորմության ճառեն. «Քանզի բաղարջ հացի և անապական գինով հաղորդեցաւ մեզ սուրբ խորհուրդն»:

3. Սրբոյն Կիպրիանոսի եպիսկոպոսի Ափրիկեցոյ Քարտագեն քաղաքի դիտողի և վկայի, յորմէ որ յաղագս ողորմության ճառեն. «Բազում և մեծամեծք են, եղբարք սիրելիք, աստուծայինքն բարեգործութիւնք, յորոց զմերս փրկութիւն՝ Աստուծոյ Հայր և Քրիստոսի առատ և հարուստ մարդասիրութիւնն գործեաց և միշտ գործէ»²⁵:

Տիմոթեոս Կուզի «Հակաճառութեան» հայերեն թարգմանության և հրատարակության մէջ կան երկու հատվածներ նույն «հի մեկնութենէն որ յաղագս ողորմության» ճառից, որ հետևյալն է.

«Յոքունք և մեծամեծք պատահեցին, սիրելի՛ք եղբարք, աստուծային բարեգործութիւնք, յորոց զմեր փրկութիւն Աստուծոյն Հայր առատ և փարթամ մարդասիրութիւնն գործեաց և միշտ գործեացէ. վասն որոյ պահել զմեզ և կենսագործել Հայրն զօրդին առաքեաց, զի զմեզ նորոգես(ցէ) առաքեցեալ Որդին, կամեցեալ որդի մարդոյ լինել, իբր զի զմեզ Որդիս Աստուծոյ կացուցէ: Նուաստացոյց այսուհետև զինքն, զի գծողովորդս զբացընկեցիկն վերստին ստացի. փրաւորեցաւ, զի զմերսն վերսն բժշկեցէ. ծառայեաց որպէս (զի) ի ծառայութենէ յազատութիւն զծառայեալսն նմա ածցէ. մահ յանձն էաւ, զի մահկանացուաց զանմահութիւնն հատուցէ»: Եվ էջ 117—118, նույնը:

Երևանի Ս. Մեսրոպ Մաշտոցի անվան Ցուցակ Ձեռագրաց Ա. հատորում հիշվում են հատվածներ Կիպրիանոսի ճառերի հայերեն թարգմանություններից:

Վկայութիւնք ի Կիպրիանոսէ յաղագս ողորմածութեան. Ապաշխարութիւն Կիպրիանոսի, ճառք, խրատ Կիպրիանոսի, Հմայիլ²⁶:

Նույն աշխատության երկրորդ հատորում կան Կիպրիանոսի ճառերի և աղոթքների հայերեն թարգմանության հետևյալ հատ-

վածները, աղոթք, խրատ, քարոզ, յաղագս բժշկութեան, յողորմութեան ճառէն²⁷:

Կիպրիանոսի մատենագրական վաստակից հայերեն տպագրված են.

«Գիրք Աղօթից, վասն ամենայն ցեղ պատահարաց», Կ. Պոլիս, 1798:

Կան նույն գրքի այլ հրատարակություններ, ինչպիսիք են.

Գիրք աղօթից վասն ամենայն ցեղ պատահարաց, որք գան ի վերայ մարդոյն, որոց ազատեցէ զմեզ Աստուած, ամէն. 135 էջ:

Ապա

Գիրք աղօթից վասն ամենայն ցեղ պատահարաց... տպագրութեամբ ի լույս ածեալ՝ հրամանաւ տեսուն Յովաննոս աստուածաբան Պատրիարքի, Կ. Պոլսոյ, 96 էջ:

Սույն աղոթագիրքը ունեցել է հաջորդաբար երեք այլ հրատարակություններ²⁸:

1846 թվականին Վիեննայում Մխիթարյան հայրերի վանքում հրատարակվել է Կիպրիանոս Հայրապետի մի այլ աշխատություն, հետևյալ վերնագրով. «Սրբոյն Կիպրիանոս Կարբեղունացոյ եպիսկոպոսի գիրք վասն միության Եկեղեցոյ, 24 էջ»²⁹:

1922-ին դարձյալ Վիեննայում հրատարակվել է «Վկայութիւն Ս. Կիպրիանոսի» մատենագրական հետազոտություններ, քննություն բնագրի, հատոր Ա:

Հայերեն ձեռագրերում կա նաև Կիպրիանոսի «Վարք»-ը³⁰:

Կիպրիանոսի մատենագրական վաստակի ամենասիրված երկը հայ հավատացյալի համար նրա աղոթագիրքն է: Նրա «համբավը իբրև հրաշագործ սուրբ, առնվազն մեր մեջ, կհիմնվի իր ամուսնով ծանոթ աղոթագրքին վրա, որ Երուսաղեմի գրատունեն ամենեն շատ սպառում ունեցած գրքույկն է: Այս աղոթագիրքին սկիզբը դրված է Աստուծո ալելի քան 400 անուն (ստորագելիները) որոնք իրարու ետևեն կթվվին ըսելու համար անոր վերջավորության. «Քու սուրբ և անել անվանեց գործութեամբ, եղիցիս պահապան ծառայիս»³¹:

²⁷ Ցուցակ, Բ հատոր, 1970, Կիպրիանոս:

²⁸ Հայ հնատիպ գրքի մատենագիտական ցուցակ (1512—1800): Երևան, 1963, էջ 223, 230—232:

²⁹ Հայ գիրքը 1801—1850 թվականներին, Երևան, 1967, էջ 335:

³⁰ Լիակատար վարք և վկայարանութիւն..., նույնը, էջ 103:

³¹ Շնորհք արքեպիսկոպոս Գալուստյան, նույնը, էջ 46:

²⁵ Մատենադարան հայկական թարգմանությունաց նախնեաց (դար Դ—ԺԳ), Վենետիկ, 1889, էջ 502:

²⁶ Ցուցակ Ձեռագրաց, Ա հատոր, Երևան, 1944, տես Կիպրիանոս: